

Visoki predstavnik i specijalni predstavnik EU Inzko naveo konkretne mjere za revitalizaciju integracije BiH u EU



Govoreći danas u Banja Luci, visoki predstavnik i specijalni predstavnik EU, Valentin Inzko, naveo je konkretne mjere koje bh. politički lideri mogu preduzeti u kratkom vremenu da bi ponovno obnovili proces integracije zemlje u EU.

“Trebamo više dijaloga i taj dijalog treba biti istinski, otvoren i usmjeren ka iznalaženju rješenja i postizanju kompromisa,” rekao je Inzko. “Politički akteri moraju suštinski revidirati svoj pristup – bez obzira kako teško bi to moglo biti. Istovremeno, institucije treba da počnu postizati konkretne rezultate. Dosadašnji uspjeh jednostavno nije dovoljan. Konačno, osobe koje nisu uključene u politiku trebaju se početi više angažovati i govoriti protiv ekstremizma.”

Visoki predstavnik i specijalni predstavnik EU je govorio na međunarodnoj konferenciji koju je organizovala **Panevropska unija Bosne i Hercegovine**. Tema je bila ***“Kuda idu Evropa i Bosna i Hercegovina? – Između integracije i izolacije.”***

“Dayton i članstvo u EU dijele zajedničke principe na toliko načina i u ovom pogledu su isti – postoje prava i postoje obaveze – to nije meni *a la carte* sa kojeg možete nešto izabrati, a ostalo ignorisati,” rekao je visoki predstavnik i

specijalni predstavnik EU.

Stav međunarodne zajednice je bio savršeno jasan i takav će i ostati, dodao je Inzko: "Dayton mora biti ispoštovan u potpunosti. U isto vrijeme, građani Bosne i Hercegovine i njihovi lideri moraju gledati unaprijed, a ne unatrag. Zemlja mora pokazati da može ispuniti uslove za članstvo u EU i NATO savezu".

Visoki predstavnik i specijalni predstavnik EU naglasio je kako je uvjeren da se politika "otvorenih vrata" Evropske unije prema BiH neće promijeniti. "Jasno je da će Bosna i Hercegovina dobiti poziv za članstvo – ali samo Bosna i Hercegovina koja ispunjava standarde EU," zaključio je Valentin Inzko.